

固始縣水利續志

卷上

地711.5

1756

部=1~4

民國八年己未仲夏月

重印固始縣水利續志

重修固始縣水利續志

蓋平楊汝楫輯著
武進謝聘重修



水利上

清河

史河東分二支曰上一支曰清河諸閘壩列後
上閘一名均濟閘三空如橋縣治堂左尚有石刻均濟閘
澆灌之圖自史河南遷遂廢康熙二十九年知縣楊汝
楫新開龍潭集捐金建寺一所前立大王殿蓋以鎮水
也顏其額曰龍潭水從寺西入中閘凡後閘壩以及溝

原本固始縣水利續志

卷上

清河水利

一

中之溝洫中之洫俱親身相視築濬

明林孟和均濟閘記由固陵而南五十里許清河截河上
流有石峻嶒修削突立而盤踞者三若陝之砥柱洛之
龍門雖大小不同其出天造地設均也古人嘗因石為
閘水盈縮消長係焉其建置歲月漫不可考洪武初嘗
經營以肅水禁選耆舊解事而公者為閘長少壯善水
者為從役專主啟閉蓋閘之上流水源出亂山之中注
於史河其下為清河河兩岸分而為塘為溝凡塘十有
八溝倍之皆選土著之民充塘溝之長而總制於主乎
閘者遇冬則閉閘蓄水以防旱歉春夏則啟閉洩水以

均灌溉由閘而河由河而塘而溝櫛比而下以次受水
莫敢爭者其所利以人計無慮萬有餘口以戶計無慮
千有餘家以田計無慮百萬餘畝地力所產固無算也
歲久閘弊板木朽敗禁弛約解水橫溢為患遇旱視強
弱遠近為盈縮訟牒旁午歷有年所竟未有復者可慨
歎矣成化十五年己亥巡撫都憲隆慶李公節鉞按河
南詢民間廢事而修舉之尤以水利為急聞此閘廢久
若不遑食者乃下其事於郡汝寧郡守錢侯奉命惟謹
亟薦京口湯君董其事君乃因石為基別伐石補砌兩
岸度水為板枋鳩集受利之家出力經營不旬日而功

告成蓋由上濬其水源之所發使無泛溢衝決之患下
疏其支派之所分使無停滯偏枯之病是不徒治閘水
亦順焉後出於人心之所樂從費不取給於官帑事竣
具水圖功次馳報行臺公為欣然若釋重負遂立石以
誌永久欲彰前人之功於不泯而激勸後之人於無窮
也孟和過汝侯以記見屬嗚乎夫天下之水惟岷嶓之
江昆侖之河耳然以河視江尤為難治然以諸河視河
雖衝潰移徙無常而其源委經制坦然明白尚有可據
以成功者諸河雜出於溪澗巖壑溝瀆之所萃蜂窠蟻
足漫無端倪而雷噴風馳於暴雨之後勢難約束故視

大河不幾為尤難乎今公因閘以治河因河以治閘閘成河復順流河順閘可久遠啓閉有期旱澇有備禁嚴而益彰利周而有序田畝以治賦稅以足民食以充戶口以增爭訟以息風俗以厚豈細故哉是固所當計也李公名衍登辛未進士第錢侯名鉞登甲申進士第湯君名璣由監發身咸有績可書者此特其一云

中閘楊公重修名清河閘東一入總壩溝約長二里一入洪家溝約長三里一入閻家高溝約長三里一入張熊二溝約長十五里西一溝由張家溝入上勝湖一溝由毛令公廟入中勝湖約長十五里一北入祝家長溝直

行康家谷堆約長十五里內有汪閘黃三閘東行一汪家閘由澗城陂入夾河至牌樓約長三十餘里一閻家閘由錢家廟北行至老澗窪約長三十里一黃家閘由浪子塘斜陂塘泗洲廟前分三岔一至薛家堆一至王家樓一至破塘橋俱合胡家長溝尾老澗窪歸總約長二十五里又廟西龍進溝約長四里西北行胡家長溝二入康家口約長半里一入熊晉溝約長七里一入閻家塘袁家壩下蘆溝約長五里一北行胡家廟由新塘至破塘橋歸老澗窪長二十里

明羅鼎中閘記閘之設均水利以濟民也中之名本上閘

以為言也蓋肇自楚之孫公漢之劉馥其經略之方啓閉之節蒙惠之家詳見於上閘記而此舊無記也然上閘之水非中閘不能均蓋閉則水可東北而上者資之啓則水可西南而下者資之且勢如建瓴猛如奔豕水利之機要在乎此而易壞者亦在乎此也自昔以至於今興廢者屢矣率皆無大裨於民正德間迹將湮沒大旱而不蒙涓滴之惠者甚矣越嘉靖甲申桐城李公來官首詢民瘼得之方擇義官王珏修之授以方略又水少分其惠以總壩之民且命之以為經久計不可惜小勞費是以歷數年公陞去而水之為利自若也民思其德

立石請予為之記公辛巳進士字德儀諱鳳來

舊譚家閘久廢新修柳溝橋側閘西南入王和尚橋由武莊灌下勝湖西北入柳溝由羅家壩至五河堰約長十里此橋名兩便橋有碑記

國朝楊汝楫新修柳溝口兩便橋記橋何以兩便名蓋利塗而兼利田也中閘而下舊有譚家壩障水入下勝湖而史河南遷清淤而不行故譚家壩亦廢乃柳溝盡然行道之人難之前明改宦者取壩之廢石增而修之為橋一時通變宜民咸慶利涉而今亦頽然圯矣余自蒞任來以興水利為最庚午夏偕二尹於君際之新開河口

於龍潭集而截史入清積流淵深自然灌注故下勝湖諸田烟環波繞浩浩乎一膏腴之壤向謂譚家壩廢而不復今知復亦無庸也并而歸於土壩閘民亦庶乎少勞焉於是為兩利之術孟夏卜吉鳩工修橋廢者振存者增安閘置板以便啟閉萬一清河或泛以此砥柱不惟柳溝無溢觴之憂而且水各有歸亦無由洩小吏之患非所謂利塗而且利田者耶名曰兩便惟後之人加意經理焉是為記

又土壩閘重修西入窰溝分三岔一南行劉家長湖約長五里一西行老和尚橋約長五里一北行至楊家堰約

長五里東入官溝二岔一入女家高溝潘家墩後有平水雙閘二道西入文家凹至裴家閘一入張家高塘北行吳家集東入破塘至老澗窪長十餘里

又灘湖側閘新修一入大官溝至姚家閘閘入小官溝灌灘湖一入蓮花湖閘入王家墳灌朱文二莊約長十五里餘

又馬蝗池側閘新修一入大駝溝至余家閘董家閘閘入小駝溝石家閘入鴻鶴塘至潘家橋楊家崗懸鐘寺為止約長三十里一入皮縫橋常樂陂約長三十里一入大駝溝黃家閘喻家閘由棗樹橋岳家堰沙河鋪謝家

河至紅石橋塔湖為止約長三十五里

又裴家閘新修西入鵝鵝陂約長三里東至吳家集南長五里此閘下舊有袁家閘因兩閘相近可以不用舊閘西北一溝入梓樹廟鵝鵝塘長八里東入吳家港長里餘今合歸左家閘

又左家閘新修東四溝長五里內有陡溝三道宜嚴防西一溝由鵝鵝塘總歸皮橋鋪至常樂陂長八里

又淇河閘新修東一入白牛陂一入隔陂塘義地橋劉家井至管家灣約長三十里下至東峰閘灌溝三道一入狗兒湖約長十五里一入楊家長湖約長二十里一入

閘家樓約長十五里

又復興閘新修東入茹陂塘由小黃溝入祖師廟北行至胡家庄陳家廟約長二十里西行二溝刁家塘皮縫橋約長五里復興閘下舊有吳榮閘因地勢凹下可以不閘至舊閘東一溝亦入茹陂塘西行一溝長里半入甕園橋下常樂陂至鉄櫃湖為止約長二十里吳榮橋下分水亭上西溝一道入路北申李二溝至苑家凹約長五里

又分水亭後三公溝西行黑獐陂入張家塘孫家集溝內有盧家閘一道約長三十餘里中西北行唐方寺九里

陂陳家橋至堪河沿約長三十餘里內有閘二道一寺
前逼水閘一丁家閘東行大黃溝西峰閘西北至明水
塘約長五里直行至王家二里並設三閘一東北入車
家廟袁家崗約長五里又駱家橋關王廟李家崗約長
五里下駝路橋全溝二道北入上新塘約長二十里東
北入劉家湖秦家湖許家樓下椒子澗崔家長湖約長
二十里中行商家閘譚家橋徐家崗燕子橋丁家凹約
長三十里西行管新塘至堪河沿為止約長三十里
國朝楊公汝楫云汝以北皆陸地秬秠糜芑生焉而固始獨
宜於稻蓋壤近吳楚澗溪沿沚水甚渥也然溝澮易涸

原本固始縣水利續志

卷上

清河水利

七

非源遠流長則一發而無餘余昔奉

命至西夏如漢唐兩渠引洪河灌注澤溥而利周秦人賴之深
有感於古人之法良而意美及蒞固任事每以水利為
念而閱歷未久則格於無可施

今上之二十九年歲在庚午詢及父老以開清河告夫清之水
有自來矣邑有史河發源自南山始逶迤曲折歷開春
鎮非一發而無餘者也昔孫叔敖以其可灌溉濬二溝
上曰清下曰堪堪利未及千家而歲築亦不至甚費經
營清則長九十里橫亦四十里餘人十倍堪而田亦過
之乃自史河南遷故道於塞相距六里有奇而民之不

被其膏者亦不知越幾千百年矣余偕學博於斯楚君策款段至邑之東關上關廟中碑並搜銅牌昔之人開石嘴頭引水為民計亦切也第浮沙流走朝開暮塞無怪乎滯而不行循河至龍潭集見清河兩灣相就勢可利導而相去三里且地不純沙則開之便於是捐俸覓工同二尹于若際之風餐露宿新開清河關口橫截史河以通其流而建大王廟以鎮於上但比年築壩之法如黃河撈埽以沙為骨以草為肉層疊更互旋築旋漂今試之而旬餘無成余滋懼共于君籌蹕未知所措博士弟子員王毗石顯秀同議以草因盛沙余憬然詔衆

告之曰繫彼茂草生於沮澤爾徃哉斬而刈之衆唯唯不踰時而積如林遂令經之緯之編為筐篚高五尺貯沙於中甫立而水不能撼其合口數十丈仍用黃河撈埽法竟束而歸於清因憶古之囊沙截流意亦可相通歟然而泛溢不能無慮清之寬丈餘耳史入而東衝西決為害亦大余令約講陳乾等農隙定椿分工寬以四丈為限深以五尺為限徹上通下全河之水汪洋而民不病於濫觴卒未壬申之旱膏田皆赤土而邑東獨有秋清之為利也不亦試之而效也哉乃清能行水而亦能洩水中關之上曰還河口洩則東注泉河也土壩

之上曰柳溝口洩則而注小史也裴家閘而上楊堰灘湖馬蝗池諸口西不洩史河乎左家壩而上三陡溝口東不洩廢河乎分水乎而後黑獐溝口與中流溝口不洩堪河乎若王家壩以下談家橋管新塘地愈下水愈洩故立閘宜預灌水而期完即立板嚴防其最急者還河灘湖柳溝馬蝗池為尤甚何也清河居高而數處居凹禦之不密水洩而諸閘亦無賴矣而高者之難周則又不可無道以處之中閘如祝胡兩長溝土壩閘如文姚兩高溝馬蝗閘如北之楊家崗溝淇河復興閘如東北之小黃溝清河尾以下如東之大黃溝王家壩以下

如東北之華家崗溝水所不易到之地即民所不可緩之功奮力而挑之寬凡我父老子弟其能不竭蹶耶若夫閘有去存則隨時制宜在乎其人昔之清河分史河之支其勢緩今之清河載全河之水其勢急中閘以上不慮水不能周慮水所去之路細而泛漲衝新築之壩中閘以下不患水不能遍患水所來之力悍而奔騰搖舊積之閘故勢有相等而閘可並者則并之如譚家閘之歸土壩閘袁家閘之歸左家閘是也勢有聽其自流而閘可去者則去之如復興閘下之吳榮閘胡家口之平水閘是也而吾有感矣天下利之所在即為弊之所

伏古今大率如此而行水亦然安車以運水也但河之大者多置之不為過獨所灌之渠寬則六七尺而狹則三四尺其容水幾何耶且所行或十餘里或二三十里塗遠而水微使聽其安車此也為之彼也為之出金錢以僱役上下排列一家而可數輛則溝所受之水不足供車所運之水近者便而遠者害則民亦何利之有禁而去之宜也按閘以灌園塘也然有水入溝未數武而豪強即按板求足始而窪者繼而高阜無不充然有餘而尚據閘不放雖兄弟姻友不讓嗟乎利則利矣而他人之下且遠者獨無父母無妻子之待養乎則按閘之

利上流而不利下流階之屬也豈其可巡溝以察水也凡有一閘立一閘長凡有一溝立一溝頭或撮河也則閘長傳本壩之溝頭溝頭傳本溝之百姓或水至也則閘長驗本閘之啟閉溝頭驗本溝之徧否巡溝之人烏可缺歟然亦賴乎公直勤敏耳苟得其人不為勢屈不為利動不為情阻即水至已田不過灌而即去無所留滯於其間苟非其人貪而不平懦而不振又且懈而不力訟端由此起而民之相尋於是非者無有已時其弊誠有不可勝言者今悉著為令凡溝有正閘者水入溝預開水閘土壩以通之而兩邊側流諸口亦立一閘先

期各開車無容置閘無容據任水下流直達溝末而池塘盈溢然後漸次返上按板放水橫開旁口以灌之此自下復上之良法也余雖不文直紀顛末非好為此瑣瑣恐數百年後時易世殊或有水存而壩廢者或有壩存而法弛者後之君子可按圖索記以踵余之成功云贊勸之力于君倍之繪圖者山人王應運也

國朝楚際盛新開清河濬復閘壩記固始宿稱水鄉由史河分注利盡東南不知所自閘僉以為創於叔敖更閱時代旋濬旋淤民不享其利者幾百年矣議者畫為三說一曰築堤於吳家小河之西逼水東灌而北然河沙終

不成堤投之土未必膠漆委金錢于洪波途之人知不可也二曰弃勿與爭利也向之水遠北岸由橋而折設閘以時其盈縮消長固收其利方防其患今河距橋數里壅沙成岸漂水下流無所用三曰疏石嘴頭之故道以逆取河水夫河既南徙水去下而就高疏之不勝淤也百年中數舉行皆不効議籍籍未絕縣侯楊公來牧茲土芟積舉廢民頌神明蒞任四載尤研心水利於是循史河以下擇其坦而可為閘者濬之以廣水利偕丞于君往來溽暑之中擘畫既定僉謀于衆亢陽方虐又不忍奪農時遂倡捐俸錢僱覓外省流丁若干人於上

閘下八里龍潭集旁別穿一渠水勢較緩地勢較低十餘丈橫亘二里循其蜿蜒之形以通故道架梁於上以利往來作廟於旁以鎮形勢監工者為耆老日省耆為縣佐以六月初旬始事凡四十餘日告竣渠民而不知役先時令使水諸家自濬私溝湮者新之高者下之出者截之蓄者障之為壩一十有一為塘一十有八計溝九十餘里計涂幾百餘道溝設一頭壩立一長通力合作察其無阻而遏其下流荷揅一決澎湃之餘聲聞數里浸淫灌溉漸徧于諸閘而溝之虛者盈土之裂者合苗之枯者蘇農者憂而喜源不激支不滯于是前畫為

三策者皆驚喜歎服焉是為記




原本固始縣水利續志

卷上

清河水利圖

十三




清河水利圖


原本固始縣水利續志

卷上

清河水利圖

十四





原本固始縣水利續志

卷上 清河水利圖

十五